



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «03» fevral

08-17-son

Тошкент давлат юридик университети рамзлари тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармони билан тасдиқланган Тошкент давлат юридик университети фаолиятини янада такомиллаштириш бўйича “Йўл харитаси”нинг 56-бандига мувофиқ

Б У Ю Р А М А Н:

1. Университет ректорининг 2021 йил 14 январдаги 08-05-сон буйруғи билан Тошкент давлат юридик университети логотипи концепцияси тасдиқланганлиги ҳамда унинг асосида университетнинг ўзига хос кўриниши ва брендбуки, байроқ, проспектлар, турли брошюралар, флаерлар ва эсдалик совғалар дизайни ишлаб чиқилганлиги маълумот учун қабул қилинсин.

2. Қуйидагилар:

Тошкент давлат юридик университетининг рамзлари — логотип ҳамда байроқ намунаси ва тавсифи 1-иловага мувофиқ;

Тошкент давлат юридик университети рамзларидан фойдаланиш тартиби тўғрисидаги низом 2-иловага мувофиқ тасдиқлансин.

3. Университет таркибий бўлинма раҳбарлари қайд этиб ўтилган рамзлардан фойдаланишда белгиланган талабларга қатъий риоя этилишини таъминласин.

4. Университет ректорининг 2021 йил 14 январдаги 08-05-сон “Тошкент давлат юридик университети логотипи концепцияси тасдиқлаш тўғрисида”ги буйруғининг 2-банди ўз кучини йўқотган деб топилсин.

Ректор



Р. Ҳакимов

ТДЮУ ректорининг
2021 йил “3” февралдаги
08-17 -сон буйруғига
1-ИЛОВА

**Тошкент давлат юридик университети логотипининг
НАМУНАСИ ВА ТАВСИФИ**



Тошкент давлат юридик университетининг логотипи икки қисмдан, яъни эмблема ва ёзувдан иборат.

Логотипнинг эмблема қисми ҳуқуқнинг ҳимоя функциясини акс эттирувчи қалқон шаклига келтирилган “TSUL” ёзувини, яъни Тошкент давлат юридик университетининг инглиз тилидаги қисқартирилган номини ифодалайди. Шу билан бирга, қалқоннинг юқори қисми очилган китоб шаклида бўлиб, мазкур шакл университетнинг таълим даргоҳи эканлигини англатади.

Логотипнинг ёзув қисми “TOSHKENT DAVLAT YURIDIK UNIVERSITETI”, яъни университетнинг расмий номини ифолайди.

Логотипнинг ёзув қисми “TOSHKENT DAVLAT YURIDIK UNIVERSITETI” эмблема атрофида айлана шаклида ҳам жойлаштирилиши мумкин.

Логотипнинг базавий ранги – кўк бўлиб, заруратга қараб ўзгартирилиши мумкин.

**Тошкент давлат юридик университети байроғининг
НАМУНАСИ ВА ТАВСИФИ**



Тошкент давлат юридик университетининг байроғи ўзида университет логотипини акс эттирган тўрт бурчак шаклдаги кўк рангли матодир.

Матонинг вертикал ва горизонтал пропорциялари – тегишлича 1×2. Логотип матонинг 65 – 75 фоиз қисмини эгаллайди.

**Тошкент давлат юридик университети рамзларидан
фойдаланиш тартиби тўғрисида
НИЗОМ**

I. Умумий қоидалар

1. Мазкур Низом Тошкент давлат юридик университети (кейинги ўринларда ТДЮУ деб юритилади) расмий рамзларидан фойдаланиш тартибини белгилайди.

2. ТДЮУ расмий рамзлари (кейинги ўринларда рамзлар деб юритилади) логотип ва байроқдан иборат.

II. Рамзлардан фойдаланиш

3. Рамзлардан қуйидаги мақсадларда ва ўринларда фойдаланилиши мумкин:

ТДЮУ маъмурий биноларида ва ахборот бурчакларида ўрнатилган деворий стендларда;

ТДЮУнинг расмий веб-сайтларида ва нашрларида;

хукукий тарғибот тадбирларини амалга ошириш материалларида (баннер, плакат, флаер, буклет ва бошқалар), шу жумладан ижтимоий тармоқларда жорий қилинган ТДЮУнинг саҳифалари, каналлари ва бошқаларда;

ташкилий тадбирлар учун мўлжалланган ҳужжатларда, совғалар ва бошқа материалларда;

ТДЮУ учун ажратилган автотранспорт воситалари ҳамда бошқа техника воситаларида.

4. Рамзлардан мазкур Низомда назарда тутилмаган, бироқ ТДЮУ ректорининг буйруқларида белгиланган бошқа мақсадларда ҳам фойдаланилиши мумкин.

5. Рамзлардан ТДЮУ таркибий бўлинмалари, шунингдек оммавий ахборот воситалари томонидан мазкур Низомда белгиланган тартибда ва мақсадларда фойдаланишга йўл қўйилади.

Рамзлардан фойдаланишда уларнинг шаклига турли ўзгартиришлар киритиш ёки уларни бошқача тарзда бузиб фойдаланиш тақиқланади.

6. ТДЮУнинг логотипи университет ходимлари учун қонун ҳужжатларида белгиланган тартибда кўкрак нишони тариқасида жорий этилиши мумкин.

7. Чет элликлар учун ТДЮУ фаолияти тўғрисида маълумот берувчи материаллар ва эсдалик совғалари учун рамзлардан фойдаланишда, унда келтирилган ёзувларни лотин тилидаги ёки бошқа хорижий тиллардаги таржимасидан фойдаланишга йўл қўйилади.

III. Якуний қоидалар

8. Мазкур Низомда белгиланган талабларга ходимлар томонидан риоя этилмаслиги ижро интизомини бузиш ҳисобланади ва айбдор шахсларга нисбатан тегишли интизомий жазо чораларини қўллаш учун асос бўлади.

9. Мазкур Низом талабларига риоя этилишини назорат қилиб бориш ТДЮУ Маънавият ва маърифат маркази зиммасига юклатилади.